

basic directions of innovative development of agri-industrial complex have been determined. The ways of increasing its innovative activity have been suggested.

Түйінді сөздер: агроөнеркәсіптік кешен, инновация типтері, инновациялық белсенділік, жаңғыру, шаруашылық стратегиялар үлгісі, бәсекеге қабілеттілік, аграрлық қалыптасу, экономикалық өсім, ұзақмерзімді болашақ.

Ключевые слова: агропромышленный комплекс, типы инноваций, инновационная активность, модернизация, модели хозяйственных стратегий, конкурентоспособность, агроформирования, экономический рост, долгосрочная перспектива.

Key words: agri-industrial complex, types of innovations, innovative activity, modernization, models of economic strategies, competitiveness, agribusinesses, economic growth, long-term perspective.

Қазақстандағы аграрлық өндірістің қалыптасып отырған жағдайы ауыл шаруашылығы саласын дамытудың жаңа басымдықтарын әзірлеуге деген қажеттілікті туындатты. Мемлекеттің аграрлық саясатының басты міндеттері ішкі және әлемдік нарықтардағы аграрлық сектордың тиімділігі мен бәсекеге қабілеттілігін арттыру болып табылады. Бұл өз кезегінде агроөнеркәсіп кешенін инновациялық дамыту жолына өтуін көздейді. Инновациялық үдерістер экономиканың аграрлық секторының нақты жаңғыруына (модернизациялануына) мүмкіндік беретіндіктен маңызды орынға ие. Отандық ауыл шаруашылық өнімдерінің көптеген параметрлері бойынша бәсекеге қабілетсіздігі бұл саланы жаңғыртуға деген қажеттілікті арттырып отыр.

Аграрлық өндірістің қарқындылығы, еңбек өнімділігі, өнім сапасы, табыс деңгейі енгізілген инновациялар деңгейіне байланысты екендігін ескерсек, ауыл шаруашылығы саласына инновацияларды енгізудің қажеттілігі айқындала түседі.

Ауылшаруашылық өндірістегі күрделі мәселелердің бірі – инновацияны енгізу деңгейінің төмен болуы мен инновацияны жасаудағы инвестиция көлемінің күрт төмендеп кетуі. Тұтас алғанда, агроөнеркәсіп кешені (АӨК) салаларындағы төмен рентабельділік, жеке айналым қорларының үнемі жетіспеушілігі, сонымен қатар көпілдікке қоятын мүліктерінің өтімділік деңгейінің болмауы оның салалары үшін инновациялық жете зерттеулер мен капитал салымдарын салуды тежеп отыр [1].

Ауыл шаруашылығына қатысты инновациялық қызмет – жаңа немесе жақсартылған

ауыл шаруашылығы өнімдері мен өңделген өнімдерін немесе ғылыми зерттеулер, талдамалар мен алдыңғы қатарлы өндірістік тәжірибе нәтижелерін қолдану негізінде өндірістің жетілдірілген технологияларын құру мен ұйымдастыру арқылы бірінен соң бірі жүзеге асырылатын іс-әрекеттердің жиынтығы болып табылады. АӨК-те әрдайым және үздіксіз іске асырылатын инновациялық қызмет ғылыми зерттеулер мен талдамаларды жүргізу, инновацияларды құру мен оларды тікелей агроөнеркәсіптік өндірісте игеру бойынша заңды әрі дәйекті кезек есіп келетін нақты іс-шаралар жүйесі ретінде алға шығатын инновациялық үдерістің құрылуын көздейді. Ауыл шаруашылығындағы инновациялық үдерістің өзінің ерекшеліктері бар (1-сурет).

Осы ерекшеліктер ауыл шаруашылығы саласына инновация енгізудегі негізгі мәселелерді айқындауға мүмкіндік береді. Экономиканың басқа салаларына қарағанда ауыл шаруашылығындағы инновациялық үдерістер аталған ерекшеліктерге байланысты күрделене түседі.


Агроөнеркәсіптік кешенге қатысты инновациялық үдерістердің ұйымдас тырушылық-экономикалық мәні – ғылым мен техниканың әлемдік жетістіктері есебінен жетілдірілуге бағытталған агроөнеркәсіптік өндірістің үздіксіз ұйымдастырушылық, экономикалық, техник алық және техно логиялық жаңартылуын а нег ізделген оның дамуының мақсаттары мен міндеттеріне байланысты. Ауыл шаруашылығында инновациялық үдеріс әр түрлі формаларда жүруі мүмкін: интенсивті түрде, баяу екпінмен немесе өте ақырын, яғни экстенсивті түрде.

Ауыл шаруашылығындағы инновациялық үдерістің ерекшеліктері

ауыл шаруашылығы өнімдерінің және ұксатылған өнімдерінің

көптілігі, оларды қайта өңдеу және өндіру

53



Сурет 1 – Ауыл шаруашылығындағы инновациялық үдерістің ерекшеліктері

АӨК-те қолданылатын барлық инновациялар бір-бірімен тығыз байланысты, бір-ыңғай аймақтық әлеуметтік-экономикалық жүйеде көрініс табады, сондықтан оны инновациялық тетікті қалыптастыруда ескеру қажет. Аграрлық салада қолданылу сферасы

мен мәніне қарай инновацияның төрт типін бөлу қарастырылады: селекциялық-генетикалық; технологиялық- өндірістік; ұйымдастырушылық-басқарушылық және экономикалық; әлеуметтік-экологиялық (кесте 1).

Кесте 1 – Ауыл шаруашылығындағы инновациялардың негізгі түрлері [2]

Селекциялық-генетикалық	Технологиялық-өндірістік	Ұйымдастырушылық-басқарушылық және экономикалық	Әлеуметтік-экологиялық
Ауыл шаруашылығы өсімдіктерінің жаңа сұрыптары мен гибридтері, жануарлардың жаңа түрлері мен типтері. Аурулар мен зиянкестерге, қоршаған ортаның қолайсыз факторларына төтеп бере алатын өсімдіктер мен жануарларды өсіру.	Ауыл шаруашылығы дақылдарын өсіру технологиялары, мал шаруашылығында индустриалдық технологиялар. Егіншілік пен мал шаруашылығының ғылыми негізделген жүйелері. Тыңайтқыштар мен олардың жүйелері. Өсімдіктерді қорғау амалдары. Егіншіліктің биологизациясы мен экологизациясы. Азық-түлік өнімдерінің тұтынушылық құндылығын арттыруға бағытталған өндірістің және азық-түлік өнімдерін сақтаудың ресурстық-жинақтық технологиялары.	Кооперациялардың дамуы және біріктірілген құрылымдардың құрылуы. Техникалық қызмет көрсету формалары және ресурстармен қамтамасыз ету. Еңбек пен басқаруды ұйымдастыру және ынталандырудың формалары. Инновациялар маркетингі. Ғылыми-техникалық және инновациялық қызмет сферасында инновациялық-кеңістік жүйелерін құру. Шешімдерді қабылдау тұжырымдамалары мен әдістері. Инновациялық дамудың формалары мен механизмдері.	АӨК-ті ғылыми-техникалық қамтамасыз етуші кадрлар жүйесін қалыптастыру. Еңбек жағдайын жақсарту, ауылдарда денсаулық сақтау, білім беру және мәдениет салаларындағы мәселелерді шешу. Қоршаған ортаны сауықтандыру және сапасын арттыру. Халықты өмір сүру, еңбек ету және демалысқа қолайлы экологиялық жағдаймен қамтамасыз ету.
Селекциялық-генетикалық инновациялар тек аграрлық салаға ғана тән. Технологиялық-өндірістік инновациялар ғылыми, соның ішінде селекциялық-генетикалық зерттеулердің нәтижелері, ауыл шаруашылығы мен азық-түлік өнімдерінің жаңа түрлерін өндіруде тәжірибеде қолданылады немесе дәстүрлі өнімнің сапасын арттырады.		Технологиялық-өндірістік инновациялар азық-түлік өнімдерінің тұтынушылық құндылығын арттыруға бағытталған өндірістің және азық-түлік өнімдерін сақтаудың ресурстық-жинақтық технологияларын қамтиды. Ұйымдастырушылық-басқарушылық инновациялар жаңа ұйымдастырушылық-құқықтық құрылымдарды (агрохолдингтер, агроұй-	

